

গণপ্রজাতন্ত্রী বাংলাদেশ সরকার
জেলা প্রশাসকের কার্যালয়
কুড়িগ্রাম
আইসিটি শাখা

মার্চ ২০২৩ মাসের জেলা ইনোভেশন টিম এর সভার কার্যবিবরণীঃ

সভাপতি	মোঃ মিনহাজুল ইসলাম অতিরিক্ত জেলা প্রশাসক
সভার তারিখ	১৯-০৩-২০২৩ খ্রি.
সভার সময়	বেলা- ১২:২০ টা।
স্থান	অতিরিক্ত জেলা প্রশাসক(সার্বিক), মহোদয়ের কক্ষ, কুড়িগ্রাম।
উপস্থিতি	পরিশিষ্ট- “ক” (স্বাক্ষরের ক্রমানুসারে)

উপস্থিত কুড়িগ্রাম জেলার ইনোভেশন টিমের সদস্যগণকে শুভেচ্ছা জানিয়ে সভার কার্যক্রম শুরু করা হয়। সভায় উপস্থিত হওয়ার জন্য সভাপতি মহোদয় সকলকে ধন্যবাদ জানান। নিজ নিজ অধিক্ষেত্রে ইনোভেশন কার্যক্রমের বিষয়ে সভাপতি দিকনির্দেশনামূলক বক্তব্য প্রদান করেন এবং আলোচ্যসূচি পেশ করার জন্য সহকারী কমিশনার (আইসিটি), কুড়িগ্রামকে অনুরোধ করেন। অতঃপর গৃহীত সিদ্ধান্ত বাস্তবায়নের অগ্রগতি পর্যালোচনা করার পর নিম্নোক্ত এজেন্ডাভিত্তিক আলোচনা অনুষ্ঠিত হয় এবং সর্বসম্মতিক্রমে নিম্নোক্ত সিদ্ধান্তসমূহ গৃহীত হয়ঃ

ক্রঃ নং	আলোচনা	সিদ্ধান্ত	বাস্তবায়নকারী
১।	জেলা ও উপজেলা ইনোভেশন টিমের পুনর্গঠন সম্পর্কে আলোচনাঃ মন্ত্রিপরিষদ বিভাগের প্রজ্ঞাপন মোতাবেক জেলা ইনোভেশন টিম ইতোমধ্যে পুনর্গঠন করা হয়েছে। সভাপতি যে সকল উপজেলা ইনোভেশন টিমের হালনাগাদ তথ্য পাওয়া যায়নি তাদের দ্রুততম সময়ের মধ্যে এ কার্যালয়ে প্রেরণ করার জন্য সংশ্লিষ্ট উপজেলা নির্বাহী অফিসার, কুড়িগ্রামকে অনুরোধ করেন।	মন্ত্রিপরিষদ বিভাগের ৮ এপ্রিল ২০১৩ খ্রিঃ তারিখের প্রজ্ঞাপনের নির্দেশনা মোতাবেক উপজেলা ইনোভেশন টিম প্রতিনিয়ত পুনর্গঠনপূর্বক দ্রুত এ কার্যালয়কে অবহিত করতে হবে।	উপজেলা ইনোভেশন অফিসার (সকল), কুড়িগ্রাম।

<p>২।</p>	<p>জেলা ও উপজেলা ইনোভেশন টিমের বার্ষিক কর্মপরিকল্পনা সম্পর্কে আলোচনাঃ ২০২২-২৩ অর্থবছরে নতুন উদ্ভাবন/ধারণা প্রণয়ন ও বাস্তবায়ন অগ্রগতি বিষয়ে আলোচনা হয়। জেলা ও উপজেলা ইনোভেশন টিমের ২০২২-২৩ অর্থবছরের বার্ষিক কর্মপরিকল্পনা নির্ধারিত সময়ের মধ্যে বাস্তবায়নের জন্য সভাপতি সংশ্লিষ্ট সকলকে অনুরোধ করেন। উপজেলা ইনোভেশন টিমের অগ্রগতির সুনির্দিষ্ট তথ্য জেলা ইনোভেশন টিমের সভায় উপস্থাপনের জন্য প্রতিমাসের সভা অনুষ্ঠানের পূর্বেই এ কার্যালয়ে প্রেরণ করার জন্য উপজেলা নির্বাহী অফিসার (সকল), কুড়িগ্রামকে নির্দেশনা প্রদান করেন। ২০২২-২৩ অর্থবছরের স্ব স্ব উপজেলার বার্ষিক উদ্ভাবন কর্মপরিকল্পনা প্রণয়ন বাস্তবায়ন অগ্রগতির স্ব-মূল্যায়ন প্রতিবেদন এ কার্যালয়ে প্রেরণ করার জন্যও উপজেলা নির্বাহী অফিসার (সকল), কুড়িগ্রামকে অনুরোধ করেন। এপ্রিল/২০২৩ মাসের শেষ সপ্তাহে বিভাগীয় শহরে অনুষ্ঠিতব্য উদ্ভাবনী মেলায় (Innovation Showcasing) প্রদর্শনযোগ্য উদ্ভাবনী আইডিয়া অত্র কার্যালয়ে প্রেরণের জন্য সংশ্লিষ্ট সকলকে অনুরোধ করা হয়।</p>	<p>১। ২০২২-২৩ অর্থবছরে নতুন উদ্ভাবন/ ধারণা প্রণয়ন ও বাস্তবায়ন করতে হবে। ২। উদ্ভাবনী মেলায় প্রদর্শনের জন্য উদ্ভাবনী আইডিয়া প্রেরণ করতে হবে</p>	<p>উপজেলা নির্বাহী অফিসার (সকল), কুড়িগ্রাম/ সহকারী কমিশনার (আইসিটি), কুড়িগ্রাম।</p>
<p>৩।</p>	<p>মাল্টিমিডিয়া ক্লাসরুমঃ সভায় জেলার সকল শিক্ষা প্রতিষ্ঠানে মাল্টিমিডিয়া ক্লাসরুম যথাযথভাবে পরিচালনাকরণ এবং ক্লাসের যন্ত্রপাতি সংরক্ষণ বিষয়ে আলোচনা করা হয়। সভাপতি উপজেলা নির্বাহী অফিসার(সকল), কুড়িগ্রাম, জেলা শিক্ষা অফিসার/জেলা প্রাথমিক শিক্ষা অফিসার এবং শেখ রাসেল ডিজিটাল ল্যাব সমৃদ্ধ প্রতিষ্ঠানের প্রধানগণকে নিজ উদ্যোগে শেখ রাসেল ডিজিটাল ল্যাবসহ কম্পিউটার ল্যাব ও মাল্টিমিডিয়া ক্লাসের যন্ত্রপাতি সচল রেখে ক্লাসসমূহ পরিচালনার প্রয়োজনীয় পদক্ষেপ গ্রহণ করার জন্য নির্দেশনা প্রদান করেন। অনলাইন মাল্টিমিডিয়া ক্লাসরুম ড্যাসবোর্ড মনিটরিং বিষয়ে সভায় বিস্তারিত আলোচনা করা হয়। মাল্টিমিডিয়া ক্লাসরুমসমৃদ্ধ শিক্ষা প্রতিষ্ঠানগুলোকে নিয়মিত অনলাইন রিপোর্ট আপলোড নিশ্চিতকরণের বিষয়ে আলোচনা করা হয়।</p>	<p>১। যে সকল শিক্ষা প্রতিষ্ঠানে মাল্টিমিডিয়া ক্লাসরুম রয়েছে সে সকল শিক্ষা প্রতিষ্ঠানের প্রধানদের মাল্টিমিডিয়া ক্লাসরুমের সর্বোত্তম ব্যবহার নিশ্চিত করতে হবে। ২। মাল্টিমিডিয়া ক্লাসরুমসমৃদ্ধ শিক্ষা প্রতিষ্ঠানগুলো পরিদর্শন করে তার প্রতিবেদন প্রেরণ ও নিয়মিত অনলাইন রিপোর্ট আপলোড নিশ্চিত করতে হবে। ৩। শেখ রাসেল ডিজিটাল ল্যাবসহ কম্পিউটার ল্যাব ও মাল্টিমিডিয়া ক্লাসের যন্ত্রপাতি সচল রাখার প্রয়োজনীয় পদক্ষেপ গ্রহণ করতে হবে।</p>	<p>(১-২)। উপজেলা নির্বাহী অফিসার (সকল), কুড়িগ্রাম/ জেলা শিক্ষা অফিসার, কুড়িগ্রাম/ জেলা প্রাথমিক শিক্ষা অফিসার, কুড়িগ্রাম (৩)। সংশ্লিষ্ট শিক্ষা প্রতিষ্ঠান প্রধান, কুড়িগ্রাম।</p>

<p>৪।</p>	<p>উপজেলা ইনোভেশন টিমের সভা সম্পর্কে আলোচনাঃ উপজেলা ইনোভেশন টিমের সভায় গৃহীত সিদ্ধান্তসমূহের অগ্রগতি পর্যালোচনা করা হয়। উপজেলা ইনোভেশন টিমের মাসিক সভাকে আরও কার্যকর ও গতিশীল করার ব্যাপারে আলোচনা করা হয়। প্রতিমাসে উপজেলা ইনোভেশন টিমের সভা করে নতুন ইনোভেশন প্রস্তাব/ আইডিয়া গ্রহণ করতে সংশ্লিষ্ট সকলকে অনুরোধ করেন। সভাপতি প্রতিটি উপজেলা হতে ইনোভেশন প্রস্তাব আহবান করেন। জেলা ইনোভেশন টিমের সভার ১ (এক) সপ্তাহ পূর্বে উপজেলা ইনোভেশন টিমের সভা নিয়মিত অনুষ্ঠানপূর্বক উপজেলা ইনোভেশন টিমের সভার কার্যবিবরণী ওয়েব পোর্টালে আপলোড এবং পরবর্তী মাসের ৭ তারিখের মধ্যে এ কার্যালয়ে প্রেরণ করার জন্য পুনরায় অনুরোধ করেন।</p>	<p>১। প্রতিমাসে উপজেলা ইনোভেশন টিমের সভা করে সভার কার্যবিবরণী স্ব স্ব ওয়েব পোর্টালে আপলোড এবং পরবর্তী মাসের ৭ তারিখের মধ্যে এ কার্যালয়ে আবশ্যিকভাবে প্রেরণ করতে হবে। ২। উপজেলা থেকে ইনোভেশন প্রস্তাব প্রেরণ করতে হবে।</p>	<p>উপজেলা ইনোভেশন অফিসার (সকল) কুড়িগ্রাম ও সহকারী কমিশনার (আইসিটি), কুড়িগ্রাম</p>
<p>৫।</p>	<p>ইনোভেশন টিম এর কার্যপরিধি সম্পর্কে আলোচনাঃ সভায় ইনোভেশন টিমের কার্যপরিধি সম্পর্কে উপস্থিত কর্মকর্তা/সদস্যবৃন্দ আলোচনা করেন। প্রতিমাসে ইনোভেশন টিমের সভা অনুষ্ঠান, কর্ম-পরিকল্পনার বাস্তবায়ন অগ্রগতি পর্যালোচনা এবং মাসিক সমন্বয় সভায় উপস্থাপনের বিষয়ে আলোচনা করা হয়। মন্ত্রণালয়/বিভাগ/দপ্তর/জেলা/উপজেলা পর্যায়ে গঠিত সংশ্লিষ্ট অন্যান্য ইনোভেশন টিমের সাথে যোগাযোগ ও সমন্বয় সাধন এবং বাৎসরিক কর্মপরিকল্পনা অনুযায়ী কার্যক্রম গ্রহণ করার জন্য সভাপতি উপজেলা নির্বাহী অফিসার (সকল), কুড়িগ্রামকে অনুরোধ করেন।</p>	<p>১। জেলা ইনোভেশন টিমের বাৎসরিক কর্মপরিকল্পনা অনুযায়ী কার্যক্রম গ্রহণ করতে হবে। ২। উপজেলা পর্যায়ে ইনোভেশন টিমের সুনির্দিষ্ট তথ্যসহ আগামী সভায় উপস্থাপনের জন্য এ কার্যালয়ে প্রেরণ করতে হবে।</p>	<p>১) উপজেলা নির্বাহী অফিসার (সকল) কুড়িগ্রাম ২) সহকারী কমিশনার(আইসিটি)কুড়িগ্রাম।</p>

<p>৬।</p>	<p>সেবা প্রদানে ইনোভেটিভ আইডিয়া এর কার্যক্রম সম্পর্কে আলোচনাঃ মাননীয় প্রধানমন্ত্রী শেখ হাসিনা ঘোষিত স্মার্ট বাংলাদেশ বিনির্মাণের অংশ হিসেবে নাগরিক সেবা সহজীকরণের জন্য ইনোভেশন কার্যক্রমকে আরও গতিশীল করার লক্ষ্যে জেলা ও উপজেলা পর্যায়ে বিভিন্ন বেসরকারি প্রতিষ্ঠান ও এনজিওসমূহে ইনোভেটিভ আইডিয়া আছে যা স্বল্প যাতায়াত, সময় ও খরচে সম্পন্ন হয় তা নিয়ে সভায় আলোচনা করা হয়। ইনোভেশন কার্যক্রম আরও গতিশীল করার বিষয়ে গুরুত্বারোপ করে জেলায় বাস্তবায়নামূলক ইনোভেশন প্রকল্পগুলো সফলভাবে এগিয়ে নিতে সকল দপ্তর প্রধানগণকে সক্রিয়ভাবে কাজ করার জন্য সভাপতি অনুরোধ করেন। সভাপতি জানান সমবেত বা সমবায়ভিত্তিক প্রয়াস যে কোন সফলতার মাত্রাকে বহুগুণে বর্ধিত করে। তৃণমূল পর্যায় থেকেই মূল উদ্ভাবন সূচিত হয়। আর সেক্ষেত্রে সাফল্যের সম্ভাবনাও থাকে অনেক বেশি। এই লক্ষ্যে প্রত্যেক দপ্তরকে নতুন নতুন ইনোভেটিভ আইডিয়া গ্রহণপূর্বক এটুআই ও মন্ত্রিপরিষদ বিভাগে প্রেরণপূর্বক সংশ্লিষ্ট অফিসে বাস্তবায়ন বিষয়ে আলোচনা করা হয়।</p>	<p>১) জেলা ও উপজেলা পর্যায়ে বিভিন্ন বেসরকারি প্রতিষ্ঠান, এনজিওসমূহ ও জেলা পর্যায়ের সকল দপ্তর/বিভাগ, উপজেলা নির্বাহী অফিসার (সকল), কুড়িগ্রাম ও কোর অফিসারকে নতুন নতুন ইনোভেটিভ আইডিয়া গ্রহণ করে এ কার্যালয়ে প্রেরণ করতে হবে।</p> <p>২) জেলার অন্যান্য সকল সরকারি দপ্তরকে ইনোভেটিভ উদ্যোগ গ্রহণ করতে হবে।</p>	<p>১) জেলা ইনোভেশন অফিসার, কুড়িগ্রাম।</p> <p>২) জেলার সংশ্লিষ্ট সকল সরকারি দপ্তর প্রধান।</p>
<p>৭।</p>	<p>উদ্ভাবন সহায়ক পরিবেশ তৈরী সম্পর্কে আলোচনাঃ প্রতিটি সরকারি দপ্তরে নিজ অধিক্ষেত্রে উদ্ভাবন সহায়ক পরিবেশ তৈরীর উপর গুরুত্বারোপ করে সভাপতি জানান, নিজ দপ্তরে নিয়োজিত জনবলের সচেতনতা ও দক্ষতা বৃদ্ধিমূলক প্রশিক্ষণ, সেমিনারসহ অন্য দপ্তরের উদ্ভাবনী উদ্যোগ পরিদর্শনের ব্যবস্থা করতে হবে। এতে মানসিকতার পরিবর্তন সাধিত হবে এবং নতুন উদ্ভাবনী উদ্যোগ বৃদ্ধি পাবে।</p>	<p>উদ্ভাবন সহায়ক পরিবেশ তৈরি করতে হবে।</p>	<p>সংশ্লিষ্ট দপ্তর প্রধান (সকল), কুড়িগ্রাম।</p>

<p>৮।</p>	<p>জেলা ও উপজেলা ওয়েব পোর্টাল সম্পর্কে আলোচনাঃ জনগণ যাতে সঠিক তথ্য ওয়েব পোর্টাল হতে সংগ্রহ করতে পারে সে লক্ষ্যে সভায় জেলা, উপজেলা ও ইউনিয়ন ওয়েব পোর্টালে বাংলা ও ইংরেজি উভয় ভাষাতেই তথ্য সংযোজন ও নিয়মিত হালনাগাদকরণ বিষয়ে বিস্তারিত আলোচনা করা হয়। সহকারী কমিশনার (আইসিটি) কুড়িগ্রাম সভায় অবহিত করেন যে, ওয়েব পোর্টাল হালনাগাদকরণ একটি চলমান প্রক্রিয়া। এটি সবসময় হালনাগাদ করা প্রয়োজন। ওয়েব পোর্টাল হালনাগাদকরণের জন্য সংশ্লিষ্ট অফিসে ইউজার আইডি ও পাসওয়ার্ড সংরক্ষিত রয়েছে। এমতাবস্থায় প্রত্যেক দপ্তরের ইউজার আইডি ও পাসওয়ার্ড সংরক্ষণ করাসহ হ্যাকিং রোধে প্রয়োজনীয় ব্যবস্থা গ্রহণ করার জন্য অনুরোধ করেন। ওয়েব পোর্টালসমূহকে নিয়মিতভাবে মানসম্মত তথ্য দ্বারা হালনাগাদের জন্য মাননীয় প্রধানমন্ত্রীর কার্যালয়, মন্ত্রিপরিষদ বিভাগ ও অন্যান্য উর্ধ্বতন দপ্তর হতে নিয়মিত তাগিদ প্রদান করা হচ্ছে। সভাপতি জেলার সকল সরকারি বিভাগ/ দপ্তরের স্ব স্ব তথ্য বাতায়ন হালনাগাদকরণের বিষয়ে গুরুত্বারোপ করেন এবং তথ্য বাতায়নের লিংকসমূহে সংশ্লিষ্ট অফিসের কর্মকর্তা-কর্মচারীগণকে বিভিন্ন চিঠিপত্র, সভার কার্যবিবরণী, হেল্পলাইন, বাৎসরিক কর্মপরিকল্পনা ইত্যাদিসহ অন্যান্য পর্যাপ্ত তথ্য নিয়মিত আপলোড করে হালনাগাদকরণের নির্দেশনা প্রদান করেন।</p>	<p>১) জেলা, উপজেলা ও ইউনিয়ন পোর্টালে পর্যাপ্ত তথ্য বাংলা ও ইংরেজি উভয় ভাষাতেই হালনাগাদ করতে হবে।</p> <p>২) জেলার সকল সরকারি দপ্তরকে তার নিজ নিজ পোর্টালকে হালনাগাদ রাখতে হবে।</p> <p>৩) জেলা ও উপজেলা পর্যায়ের সকল সরকারি বিভাগ/দপ্তরের বিভিন্ন ধরনের তথ্য স্ব স্ব তথ্য বাতায়নে হালনাগাদকরণের পদক্ষেপ গ্রহণ করতে হবে।</p>	<p>১। জেলা ও উপজেলা ওয়েব পোর্টাল এর ফোকাল পয়েন্ট</p> <p>২। উপজেলা নির্বাহী অফিসার (সকল), কুড়িগ্রাম।</p> <p>৩। সহকারী কমিশনার(আইসিটি)কুড়িগ্রাম।</p> <p>৪। সংশ্লিষ্ট সকল, কুড়িগ্রাম।</p>
<p>৯।</p>	<p>পাইলট প্রকল্প পরিদর্শন সংক্রান্তঃ গৃহীত উদ্ভাবনী পাইলট উদ্যোগগুলো সুষ্ঠুভাবে বাস্তবায়নপূর্বক জনসাধারণের প্রত্যাশিত সেবা প্রদানে যেন ভূমিকা রাখতে পারে সে লক্ষ্যে প্রকল্পগুলো তদারকির বিষয়ে সভায় গুরুত্বারোপ করা হয়। সভাপতি ইতোমধ্যে এ জেলায় যত উদ্ভাবনী প্রকল্প হাতে নেয়া হয়েছে সেই প্রকল্পগুলো পরিদর্শন করার এবং প্রকল্পগুলো কতটা ফলপ্রসূ হবে তা ইনোভেশন কমিটি মনিটরিং করার বিষয়ে উপস্থিত সম্মানিত সদস্যবৃন্দকে আলোচনা করতে পরামর্শ প্রদান করেন।</p>	<p>চলমান ইনোভেটিভ আইডিয়ার পাইলট প্রকল্প নিয়মিত পরিদর্শন করতে হবে এবং প্রকল্পের অগ্রগতি/কোন সীমাবদ্ধতা থাকলে তা চিহ্নিত করে নিয়মিতভাবে জেলা ইনোভেশন কমিটির সভায় প্রতিবেদন উপস্থাপন করতে হবে।</p>	<p>সংশ্লিষ্ট সকল</p>

<p>১০।</p>	<p>মাসিক উন্নয়ন সমন্বয় সভা ও অন্যান্য সমন্বয় সভায় ইনোভেশন আলোচনা সংক্রান্তঃ সভায় কুড়িগ্রাম জেলার ২০২২-২৩ অর্থবছরের বার্ষিক কর্মপরিকল্পনা অনুযায়ী উদ্ভাবন সহায়ক পরিবেশ তৈরির লক্ষ্যে জেলা উন্নয়ন সমন্বয় কমিটির সভা, জেলা এনজিও বিষয়ক সমন্বয় কমিটির সভা, জেলা রাজস্ব সভা, জেলা পর্যায়ের অন্যান্য সভা ও মাসিক স্টাফ মিটিংয়ের আলোচ্যসূচীতে ‘উদ্ভাবন উদ্যোগ’ অন্তর্ভুক্তকরণ এবং Innovative উদ্ভাবক ও বাস্তবায়নকারীদের প্রণোদনা প্রদান ও উদ্যোগী কর্মকর্তা/কর্মচারীদেরকে বিভিন্ন পর্যায়ে পুরস্কার প্রদান বিষয়ে বিস্তারিত আলোচনা হয়। সভাপতি উদ্ভাবন সহায়ক পরিবেশ তৈরির লক্ষ্যে জেলা ও উপজেলা পর্যায়ে অনুষ্ঠিত সভাসমূহে ‘উদ্ভাবন উদ্যোগ’ অন্তর্ভুক্ত করে নিয়মিত আলোচনা করার জন্য উপপরিচালক, স্থানীয় সরকার, কুড়িগ্রাম, অতিরিক্তি জেলা প্রশাসক (সার্বিক) /(রাজস্ব)/ অতিরিক্তি জেলা ম্যাজিস্ট্রেট, কুড়িগ্রাম ও উপজেলা নির্বাহী অফিসার (সকল), কুড়িগ্রামকে অনুরোধ করেন।</p>	<p>উদ্ভাবন সহায়ক পরিবেশ তৈরির লক্ষ্যে জেলা ও উপজেলা পর্যায়ে অনুষ্ঠিত সভাসমূহের আলোচ্যসূচীতে ‘উদ্ভাবন উদ্যোগ’ অন্তর্ভুক্ত করতে হবে।</p>	<p>উপপরিচালক, স্থানীয় সরকার, কুড়িগ্রাম, অতিরিক্তি জেলা প্রশাসক (সার্বিক) /(রাজস্ব)/ বিজ্ঞ অতিরিক্তি জেলা ম্যাজিস্ট্রেট, কুড়িগ্রাম ও উপজেলা নির্বাহী অফিসার (সকল), কুড়িগ্রাম।</p>
------------	---	--	--

<p>১১।</p>	<p>বিবিধঃ</p> <p>১। কোন কর্মকর্তার বদলি বা অন্য কোন কারণে কর্মস্থল পরিবর্তন হলে তার তত্ত্বাবধানে বাস্তবায়নধীন উদ্যোগটি সমাপ্তির ধারাবাহিক কার্যক্রম অব্যাহত রাখতে সংশ্লিষ্ট সকলকে পরামর্শ প্রদান করা হয়।</p> <p>২। জেলা প্রশাসকের কার্যালয়, কুড়িগ্রামের সম্মুখ দ্বারে ইনোভেশন গ্যালারি করা হয়েছে। এ গ্যালারিতে জেলা ও উপজেলা পর্যায়ের বিভিন্ন অফিস/দপ্তর/ব্যক্তি/ প্রতিষ্ঠানের ইনোভেটিভ আইডিয়া বা সেবা প্রদানে বাস্তবায়নধীন ইনোভেশন এর ছবিসম্বলিত তথ্য প্রকাশ করা হয়েছে।</p> <p>৩। জেলা শিক্ষা অফিসার, কুড়িগ্রামকে জেলা ও উপজেলা পর্যায়ে সকল শিক্ষা প্রতিষ্ঠানের জন্য ডায়নামিক ওয়েব সাইড তৈরি করার প্রয়োজনীয় ব্যবস্থা গ্রহণ এবং তদারকি অব্যাহত রাখার নির্দেশনা প্রদান করেন।</p> <p>৪। স্থায়ী অধিক্ষেত্রে উদ্ভাবন চর্চার ক্ষেত্রে অন্য দপ্তরের সাথে পার্টনারশীপ ও নেটওয়ার্কিং এর মাধ্যমে উদ্ভাবনী বিনিময়ের উপর সভাপতি গুরুত্বারোপ করেন। পার্টনারশীপ ও নেটওয়ার্কিংয়ের মাধ্যমে উদ্ভাবনী উদ্যোগকে কাজে লাগানোর জন্য সভাপতি সংশ্লিষ্ট দপ্তর প্রধানগণকে অনুরোধ করেন।</p> <p>৫। জেলা প্রশাসকের কার্যালয়ে স্থাপিত 'জেলা ব্র্যান্ডিং কর্ণার', জেলা মুক্তিযোদ্ধাদের জন্য 'বীরগাথা', সড়ক দুর্ঘটনা প্রতিরোধের স্বপ্ন নিয়ে জেলা প্রশাসন কুড়িগ্রামের 'জয়যাত্রা' এর মতো সৃজনশীল উদ্ভাবনী উদ্যোগগুলো যাতে দেশের অন্য জেলায় রেল্লিকেট হতে পারে সে লক্ষ্যে উদ্যোগগুলো আরও গণমুখী ও জনবান্ধব করার জন্য কর্মপরিকল্পনা প্রণয়ন করার জন্য অনুরোধ করেন।</p>	<p>১) উদ্ভাবনী ধারণায় সোশ্যাল মিডিয়ার ব্যবহার বৃদ্ধি করতে হবে।</p> <p>২) জেলা ও উপজেলা পর্যায়ে সকল শিক্ষা প্রতিষ্ঠানে ডায়নামিক ওয়েব সাইট তৈরী নিশ্চিত করা এবং এর কার্যক্রম তদারকি করতে হবে।</p> <p>৩) উদ্ভাবনের জন্য পার্টনারশীপ ও নেটওয়ার্কিং এর উদ্যোগ গ্রহণ করতে হবে।</p> <p>৪) সরকারি কোষাগারে ভূমি উন্নয়ন করসহ অন্যান্য পাওনা জমা দেয়ার বিষয়ে উদ্ভাবনী চিন্তা বাস্তবায়নের উদ্যোগ গ্রহণ করতে হবে।</p> <p>৫) বাস্তবায়িত /বাস্তবায়নধীন সৃজনশীল উদ্যোগগুলো আরো গণমুখী ও জনবান্ধব করার জন্য কর্মপরিকল্পনা প্রণয়ন করতে হবে।</p>	<p>১) জেলা ও উপজেলা পর্যায়ের কর্মকর্তা, কুড়িগ্রাম।</p> <p>২) জেলা শিক্ষা অফিসার, কুড়িগ্রাম ও সংশ্লিষ্ট শিক্ষা প্রতিষ্ঠান প্রধানগণ।</p> <p>৩) সকল দপ্তর প্রধান, কুড়িগ্রাম।</p> <p>(৪) সংশ্লিষ্ট সকল কর্মকর্তা, কুড়িগ্রাম।</p> <p>৫) অতিরিক্ত জেলা প্রশাসক (রাজস্ব), কুড়িগ্রাম/ উপজেলা নির্বাহী অফিসার (সকল), কুড়িগ্রাম।</p>
------------	---	---	---

আর কোন আলোচ্য বিষয় না থাকায় সভাপতি এ জেলার বিভিন্ন দপ্তরের কাজের গতিশীলতা বৃদ্ধির লক্ষ্যে মন্ত্রিপরিষদ বিভাগ কর্তৃক প্রণীত পরিপত্রের বিধান অনুসরণের পাশাপাশি নতুন কর্মপরিকল্পনা গ্রহণের জন্য উদ্যোগ নেওয়ার অনুরোধ জানান। একইসাথে ইনোভেটিভ আইডিয়া নিয়ে জনমুখী সেবাকে আরও গতিশীল করার সর্বাত্মক প্রচেষ্টা গ্রহণের অনুরোধ জানিয়ে সভার সমাপ্তি ঘোষণা করেন।



মোঃ মিনহাজুল ইসলাম
অতিরিক্ত জেলা প্রশাসক

বিতরণ (জ্যেষ্ঠতার ক্রমানুসারে নয়) :

- ১) মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়, ঢাকা।
- ২) বিভাগীয় কমিশনার, রংপুর বিভাগ, রংপুর।
- ৩) জেলা প্রশাসক, কুড়িগ্রাম।
- ৪) উপজেলা নির্বাহী অফিসার , (সকল), কুড়িগ্রাম (তাকে উপজেলাস্ব সকল দপ্তর/বিভাগকে অবহিতকরণের অনুরোধ করা হলো)।



মোঃ শফিকুল ইসলাম
সহকারী কমিশনার (আইসিটি)